

DEN AMBIENTE....

Fotos y Texto: Jan Poets

CLAUDIUS TA LANSA SU CD "MIGHTY TALENT" DEN FORMA "LIVE" RIBA MERCADO..

** Porfin e produccion carnavalesco di Mighty Talent a yega na su fase final y DEN AMBIENTE por a compronde for di sra. Edwina Werleman cu desde awe e CD lo ta riba mercado.

Den un entrevista sostene cu Edwina Werleman kende ta manager di Claudius & OREO, el a duna DEN AMBIENTE di conoce cu e ta sumamente satisfecho cu e CD aki, cual e biaha aki ta hiba e titulo di e propio Mighty Talent.


Loke Edwina Werleman ta referi cu e ta sumamente satisfecho, ta debi cu e biaha aki e produccion aki a ser realiza den e propio studio di grabacion di Claudius Philips (CAP'S STUDIO).



Esaki ta e prome produccion realiza den Claudius su propio studio di grabacion, cual a resulta riba un nivel y caliber hopi halto cu hasta Claudius mes a keda sorprendi.

Di parti di Claudius mes, el a expresa cu e tambe ta hopi contento cu e resultado positivo aki, den cual e mester gradici su ingenierio di studio, kende ta e conocido musico gradua na Berkley College of Music na Boston, Johnny Croes.

Algo cu tambe a laga Edwina keda hopi orguyso di e produccion netamente carnavalesco aki, ta debi na e hecho cu henter e produccion a ser graba den e estilo



CD Nobo nobo Claudius Philips "Mighty Talent" ta riba mercado desde awe.



Obtenible na Zapp Music, Royal Plaza
y Seaport Mall y na tur Disco Bar.

"LIVE".

Pues manera bo scucha e produccion aki, ta mescos cu Mighty Talent y OREO ta tocando den bo cas, fiesta of na un concierto.

E motibo cu a produci henter e produccion aki den forma "live", segun Edwina Werleman, ta na e hecho cu esaki ta riba e propio demanda di su gran fanaticadanan.

E CD aki ta contene 8 pisa, entre cualnan naturalmente ta aparece e dos ganadornan, e Calypso "Wait A Minute" y e Roadmarch "Frega riba Dje".

Ademas tambe e popular roadmarch di Lady Eyes (Diana Emerencia), "SEÑORITA TA MANDA". Mas cu claro tambe e Roadmarch di e joven cantante Mighty Campo (Maiky Oliva) "Road Fire". E popular figura di television, Ruben Trapenberg "Mighty Hippy", kende a sobresali cu su Calypso "The Truth" tambe ta luci riba e CD.

Pa completa e CD aki manera un coleccion di e participantenan durante e Calypso & Roadmarch Contest 2001, e popular Mighty Whitey (Gregory Lyder) tambe a haya su espacio riba e CD cu su tremendo Calypso "Make It Your

Business".

Como bonus track, Mighty Talent a inclui su super exito Calypso, "Prime Minister" y e Roadmarch cu a cosecha furor durante carnaval 46, "Traffic Jam" di Mighty Campo.

Pues aki ta trata di un otro joya di un CD carnavalesco di nos legendario viviente artista Arubano "Mighty Talent", cual sigur lo sirbi como un bunita collectum item. Mester bisa cu informacionnan concreto ricibi for di hermana isla Corsow, ta cu nan ta sperando riba e CD aki for di masha dia caba. Na St. Maarten tambe por a compronde cu tin hopi interes pa e CD como tambe su presentacion.

Tur dia Edwina Werleman ta ricibi yamadanan cu ta interesa pa e CD aki, cualnan ta tanto di aki mes na Aruba como na Corsow.

E CD aki sigur lo bay resulta den un "best seller" na Corsow y no tin duda cu aki na Aruba e lo bay resulta den un "SOLD OUT" den un tempo relativamente corto.

E CD ya ta obtenible desde awe na tur e disco barnan y si bo kier sigura uno, anto bo mester pura for di aworaki mes y no bisa "Wait I Minute", pero "Frega riba dje".